

*In quo Insula fere exerunt Oestrymides
Laxe jacentes, & metallo divites
Stanni atque plumbi: multa vis hic gentis est,
Superbus animus, efficax, solertia,
Negotandi cura jugis omnibus
* Nolusque cumbis turbidum latè fretum
Et belluosi gurgitem Oceanī secant;
Non hi carinas quippe pinu texere
* Facere morem non abierte, ut usus est,
Curvant * phaselo: sed rei ad miraculum
Navigia junctis semper aptant pellibus,
Corioque vastum sepe percurrunt salum.*

* Non usque navibus in Notis Parisi.
Nonnius. Acerere norunt.
* Phaselos. Marianus Scotus.

Cujusmodi etiam in usu erant hoc in pelago anno Salutis DCCCCXIIII. Legimus enim quosdam viros pios ex Hibernia in carabo (alibi Caruca) qui ex duobus tantum coriis & dimidio factus erat in Cornwalliam fuisse delatos. Postea etiam de iisdem insulis idem Avienus:

*Tartesisque in terminos Oestrymnidum
Negotandi mos erat, Carthaginis
Etiam colonis.*

Has vero Cassiteridas cæteri Græci à stanno, dixerunt, ut & apud Drangos Asiae, à Stanno locum quendam CASSITERON vocat Strabo, & insulam in mari Indico CASSITERAM etiam à stanno dictam fuisse è Dionysio memorat in Vribibus Stephanus. MICTIN autem illam quam sex dierum navigatione introrsum à Britannia abesse, & candidum plumbum proferre è Timæo scribit Plinius, inter has fuisse vix ausim affirmare. Non me tamen latet eruditissimum Hermolaum Barbarum pro Mictim, Mitterim, in manuscriptis codicibus legisse, & pro Mitterim, Cartiterim legere. Quod autem has esse CASSITERIDAS toutes quæsitas dixerim, facit antiquorum authoritas, ipsarumque situs, & Stanni venæ. Artabris (inquit Strabo) quibus Britannia Occidentales partes è regione adjacent, ad Aquilonem opponuntur insule, quas Cassiteridas appellant, quodammodo in Britannico climate constitutæ. Et alibi: Amplius est mare inter Hispaniam, & Cassiteridas, quam à Cassiteridis ad Britanniam interjectum. Adversus Celtiberia latus spectant Cassiteridas, inquit Solinus. Diodorus Siculus: In insulis Oceano Ibero proximis, quæ à Stanno Cassiterides nominantur. Eustathius, Cassiterides insule decem sunt contigua ad Arctum. Cum verò hæ Sillina Artabris, id est, Gallitiae in Hispania oppositæ sint, cum ab illis in Aquilonem ad amusim vergant, cum in Britannico climate constituentur, cum Celtiberia latus spectent, cum longè ampliori mari ab Hispania, quam à Britannia disjungantur, cum sint Oceano Ibero proximæ, cum contiguæ sint ad Arctum, & melioris notæ tantummodo decem numerentur, scilicet, Sancte Maria, Annoth, Agnes, Sampson, Silly, Brefar, Rusco, five Tre-scau, S. Helena, S. Martini, Arthur, & quod caput est, cum stanni venas habeant, ut nullæ aliae hoc tractu insulae: & à fodiinis duas minores Minan-witham, & Minuifland, nomen duxisse videantur: malim ego has CASSITERIDAS existimare, quam vel Afores quæ nimis in Occasum prove-
tæ sunt, aut Cifargam Hispaniæ proximè quasi contiguam, cum Olivario, aut ipsam nostram Britanniam, cum Ortelio, cum Cassiterides plures erant, & Dionysius Alexandrinus postquam de Cassiteridibus egerit, de Britannia seorsim agat.

Si quis è numero has esse CASSITERIDAS inficiatur, cum plures sint quam decem, idem etiam Hæbudas, & Orcadas numeret, & si rationibus subductis, nec plures, nec pauciores, quam quinque Hæbudas, & triginta Orcadas cum Ptolemaeo invenerit, alio loco quam quo nunc extant, indaget, & indagando è numerorum ratione certo scio, haud facile invenerit. Verum priscis scriptoribus de his eo ævo sejunctissimis orbis terrarum partibus, & insulis, ut hodie de Freti Magellanici insulis, & Novæ Guineæ tractu, nihil nobis explorare est cognitum.

Quod vero Herodotus has non noverit, neutiquam mirandum est; fatetur enim ipse se pro comperto nihil habere, quod de Europæ extremis referat. Primum tamen plumbum in Græcam hinc delatum erat. Plumbum (inquit Plinius lib. VIII, cap. de rerum inventoribus) è Cassiteride insula primus apportavit Midacritus. Sed de his audi Strabonem libro Geographiæ I II sub finem. Cassiterides insule decem sunt numero, vicina in vicem, ab Artabrorum portu versus Septentrionem in alto fitæ mari. Una earum deserta est, reliqua ab hominibus incoluntur atras vestes gerentibus, tunicas induitis ad talos usque demissas, cinctis circum pectus, cum baculis ambulantibus. Tragicis qui similes furii. Vivunt ii ex pecore, vagantes incertis sedibus. Metalla habent stanni & plumbi, quorum, & pellium loco fictilia, salem & area opera à mercatoribus recipiunt. Primis temporibus soli Phœnices à Gadibus è negotiatum ierunt, celantes alios istam navigationem. Cum autem Romani quandam navis magistrum sequerentur, ut & ipsi emporia ista addiscerent, is invidia ductus dedita opera navem suam in vadum compulit, in eandemque pernicem iis qui insequerantur conjectis, ipse è naufragio servatus ex arario publico pretium amissarum mercium recepit. Tamen Romani res ipsius tentata, navigationem addidicerunt. Deinde Publius Crassus cum eo navigasset, videretque metalla non altè effodi, hominesque eos pacis studiosos otio abundante, mari quoque navigando studere, id voluntibus commonstravit: quanquam amplius mare navigandum esset è quod inde ad Britanniam pertinet. Sed ad Silly. Insulae vero hoc nomine insigniuntur, plus minus centum quadraginta quinque, gramine vestitæ, aut musco subviridi tectæ, præter horrentes rupe, & saxa eminentia innumera, in orbem quasi sitæ octo leucis ab extremo Cornuallie Promontorio. Frumento nonnullæ satis feraces, cæterum omnes cunieulis, gruibus, cygnis, ardeis, & marinis avibus abundant. Omnium maxima est quæ à S. Maria nomen cepit, castrum habet & præfidium militare. He sunt insulae illæ quas Fretum turbidum duarum aut trium horarum navigatione distinguit à Damnoniorum ora, & quarum incola custodiunt morem vetustum. Nundinas & nummum refutant, dant res & accipiunt, mutationibus potius quam pretiis necessaria parant, Deos percolunt, scientiam futurorum pariter viri, ac fœmina ostentant, ut habet Solinus Polyhistor. Melanchlanos vocat incolas Eustathius ex Strabone, quod nigris vestibus ad talos usque demissis induerentur. Vitaque cedunt (ut creditit Sardus) plerumque vita satiati. E rupe enim se projiciunt in mare fœlicioris vitæ spe, quod procul-dubio Britanicorum Druidum fuit persuasio. Huc etiam damnatos ad metalla relegare solebant Romani Imperatores. Maximus enim Au- Sulpitius Severus.

B b b b b tem